



Hans Enoksen
Inatsisartuni ilaasortaq
Naleraq

Ukiuunerani silaannakkut angallassisarnissanut aningaasat annertussusiat, nunaqarfinnilu Qeqertarsuatsiaani, Kangaamiuni, Napasumi Atammimmilu qulimiguulinnut mittarfissaliornissat pillugit § 37 naapertorlugu apeqquteqaammut 2024-142-mut akissut

Dato: 11-07-2024
Suliaq nr.: 2024-12920
ID nr. 93039171

Asasara Hans

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Inatsisartut aalajangiiffigisassaattut siunnersuummik saqqummiussinissaq siunertaralugu, Inatsisartut suleriaasianni § 37 naapertorlugu Ukiuunerani silaannakkut angallassisarnissanut aningaasat annertussusiat, nunaqarfinnilu Qeqertarsuatsiaani, Kangaamiuni, Napasumi Atammimmilu qulimiguulinnut mittarfissaliornissat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Apeqqutit tamarmik akinerini isumaqatigiissutitigut neqeroorutit pineqaratik, paasissutissiineruinnarmata erseqqissassallugu pingaaruteqarpoq.

Isumaqatiginninniartoqassappat politikikkut kissaatit, soorlu assersuutigalugu akulikissuseq, inissaqassuseq, angallaviit il.il. aallaavigineqassapput. Taassuma saniatigut ilaatigut akinut, akissarsianullu iluarsiiissutissat eqqarsaatigineqarlutik aningaasanut inatsimmi aningaasaliisoqartussaassaaq.

Taamaalilluni Naalakkersuisut aamma Aningaasaqarnermut Akileraartarnermullu Ataatsimiititaliaq isumaqatiginninniarnissamut piginnaatitsissummik tunniussissagaluarput. Taamaattumik isumaqatiginninniartoqassagaluarpat, tulliuttumi kisitsisit aamma erseqqissarneqartussaassallutik.

Apeqqut 1: Aningaasaliinissat pillugit inatsisartunut siunnersuutip suliarineqarnissaa pissutigalugu paaserusuppara ukiuunerani nunaqarfinni taaneqartuni silaannakkut angallassisarnissanut aningaasat annertussusiat:

1.a. Qeqertarsuatsianut Qeqertarsuatsiaaniillu aningaasat qanoq annertutigisut pisariaqartinneqarpat?

Akissut: Apeqqutip akinissaanut 2024-mi decembarip aallaqqaataanit, 2025-imi apriliip 13-ata tungaanut ukiuunerani Qeqertarsuatsiaanut timmisartumik aqqusaartarnissaq pillugu Air Greenland neqerooruteqartinneqarpoq. Air Greenlandip ilimagivaa, decembarimi aallartittumik ukiuunerani angallassisoqartalernissaa pisariaqartinneqassasoq, taamaattumillu tamanna neqeroorummi aallaavigineqarluni. Inoqarfimmi innuttaasut amerlassusaat aallaavigalugu Air Greenlandip nalilerpaa, missiliuteqarnissami sapaatip akunneranut marloriarluni timmisartuussisarnissaq aallaavigineqassasoq. Nuup aamma Qeqertarsuatsiaat akornanni

timmisartuussisoqartartussaassaaq. Tamanna tunuliaqutaralugu Air Greenland 1,4 mio. koruuninik missiliuuteqarpoq.

1.b. Kangaamiunut Kangaamiuniillu?

Akissut: Kangaamiunut, Napasumut Atammimmullu ataatsimut akissuteqarfigineqarput. Angallavissaq suna kissaatigineqarnerisooq apeqquteqartup erseqqissaatiginngilaa, akigititassamillu missiliuuteqassagaanni angallavissaq aalajangiisuusorujussuulluni. Air Greenlandip missiliuutaani, angallavik Maniitsoq Boat Tours-ip atugaa aallaavigineqarpoq. 2024-mi decembarip aallaqqaataanit, 2025-imi apriliip 13-ata tungaanut ukiuuneranut missiliuut 5,3 mio. koruunit missaanniissaaq.

1.c. Napasumut Napasumiillu?

Akissut: Apeqqut 1.b-mut akissut takuuk.

1.d. Atammimmut Atammimiillu?

Akissut: Apeqqut 1.b-mut akissut takuuk.

Apeqqut 2: Qeqertarsuuatsiaani helikopterinut mittarfiliornissamut aningaasat qassit pisariaqartinneqassappat?

Akissut: Apeqqutip akinissaanut Greenland Airports A/S immersueqataaqquneqarpoq. Greenland Airports A/S-ip paasissutissiissutigaa, qulimiguulinnut mittarfimmik akuerisamik ataatsimik pilersitsineq 3 - 6 mio. koruunit missaannik akeqartoq misilittakkatik takutikkaat. Greenland Airports A/S-ip erseqqissaatigaa, eqqortumik missiliuuteqassagaanni sumiiffinni ataasiakkaanni naliliisoqartariaqarmat, missiliuut tamanna qulakkeerneqarsinnaanngitsoq. Sumiiffinni tamani sanaartornissami akigititassaq, ingerlatsinermilu aningaasartuutissat erseqqissarneqassasut kissaatigineqarpat, suliaasaq annertussammat taassuma suliarineqarnissaanut aningaasaliissuteqartoqartariaqassaaq.

2.a. Kangaamiuni?

Akissut: Apeqqut 2-mut akissut takuuk.

2.b. Napasumi?

Akissut: Apeqqut 2-mut akissut takuuk.

2.c. Atammimmi?

Akissut: Apeqqut 2-mut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen